



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

IGREYIDI 12

ISINDEBELE ILIMI LESIBILI LOKUNGEZELELA (SAL)

IPHEPHA LOKUTHOMA (P1)

NOVEMBA 2009

IMITLOMELO: 120

ISIKHATHI: ama-iri ama-2½

Iphepheli linamakhasi ali-13.

YELELA

1. Iphepheli lineengaba ezine: ISIGABA A, B, C no-D.

ISIGABA A: Ukufunda nokuzwisisa	(30)
ISIGABA B: Ukurhunyeza	(10)
ISIGABA C: Ihlelo nokusetjenziswa kwelimi	(60)
ISIGABA D: Zemitlolo	(20)
2. Funda yoke imiyalo onikelwe yona ngokuyelela okukhulu.
3. Phendule yoke imibuzo.
4. Thoma isigaba esinye nesinye ekhasini elitjha.
5. Thalela ngemva kokuphendula imibuzo yesigaba ngasinye.
6. Tlola iinomboro zemibuzo njengombana zinjalo ephepheni lemibuzo.
7. Tjhiya umuda owodwa ngemva kwaleyo naleyo pendulo.
8. Tlola kuhle nangesandla esibonakalako.
9. Yelela kobana upelede amagama ngendlela ekungiyi bewutlole nemitjho ezwakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 KANYE NOMBUSO 1.2.

1.1 Funda indatjana elandelako bese uphendula imibuzo.

Ibhande Lokuphepha Lisindise UDJ Sol: NguMetlholo Moema

Ibhande lokuphepha lisindise ipilo. Umrhatjhi owaziwako weMotsweding FM uRamathudi Solomon Mputle, owaziwa ngoDJ Sol nomvezi wehlelo uBen Moitsapo owaziwa ngo-*The Boss*, balemuke ukuqakatheka kokusetjenziswa kwebhande ngemva kwengozi yangoMgqibelo ekuseni.

Abarhatjhaba bebasendleleni eya eTjingalanga Kapa ukuyokugidinga itransmitha etja, ezokwenza bona abantu be*Heuningvlei* bakwazi ukubamba umrhatjho nomabonakude kokuthoma. UDJ Sol oneminyaka ema-33 ogade atjhayela endleleni yehlabathi eduze kweVryburg uthe, "Koke kwenzeke ngokukopheza kwelihlo. Ngilahlekelwe lilawulo lekoloyi esandeni egade ngitjhayela kiyo, ikoloyi yathoma ukuphenduka."

UDJ Sol ukholwa bona bebazokubhubha nangathana bebangakabophi amabhande wokuphepha abanamathisele ku*Honda Ballade* lokha nayiphenduka amahlandla ambalwa. "Sihlala siwabophile amabhande wokuphepha nasitjhayelako, lokhu sele kuyinjayelo kithi. Nanyana kunjalo uBen yena ulimele okuhlathelisa umzimba," kwatjho uDJ Sol.

UBen ulatjhelwa esiBhedlela iVryburg begodu usebujameni obunzinzileko. UDJ Sol yena waphuma khona ngoMgqibelokho esibhedlela. Nakatjela abantu bakwa*Daily Sun* uthe, "Ngetjhu ingozi le yenzeke ngelanga lami lamabeletho. Ilangeli bengiligidinga neentandani zeTlhagwini Tjingalanga. Bekuzobadanisa khulu nangathana ngilimele khulu engozini yangoMgqibelo," waraga ngokutluwa.

Uyise labentwana abane wabuyela emva waya emrhatjhwani ongumakhambangendlwana khona ngalo ilanga lengozelo, waragela phambili nokusebenza.

[Ithethwe ku*Daily Sun*, 27 Oktoba 2008]

- 1.1.1 Tlola bona yini okwasindisa abarhatjhi ekukhulunywa ngabo engozini yekoloyi? (1)
- 1.1.2 Bebakhamba ngamuphi umhlobo wekoloyi abarhatjhaba? (1)
- 1.1.3 Uneminyaka emingaki uDJ Sol? (1)
- 1.1.4 Ngubani ibizo lomrhatjhi obegade akhamba noDJ Sol nabazakuthola iingazi? (1)

- 1.1.5 Nabazakuthola ingozi nje bebaya kuphi? (1)
- 1.1.6 Balatjhelwa kisiphi isibhedlela? (1)
- 1.1.7 Ingozi le bayithola ngolesingaki? (1)
- 1.1.8 Ngonjani umrhatjho ongumakhambangendlwana? (2)
- 1.1.9 Tlola ibizo lomrhatjho abawusebenzelako. (1)

1.2 Funda indatjana elandelako bese uphendula imibuzo.

Ubulwele Obesabekako i-Arena Virus: NguZinhle Mapumulo

Abantu abakhe bathintana nesigulani esabe sibuya eZambia esabulawa bulwele obaziwa nge-Arena Virus sebhalelele evalweni. Isigulanesi, uCecilia van Deventer, salethwa eSewula Afrika ngesiphaphamtjhini mhlana amalanga ali-14 ku-Septemba. Kwathi ngemva kwamalanga amabili isigulaneso samukelwe esibhedlela seMorningside Medi-Clinic, sabhubha. Ngemva kwalokho, umsizi we-*paramedics*, uHermanus Els, wabhubha ngabo ubulwelobu mhlana amalanga ama-2 ku-Oktoba. Unesi obegade amhlenga, uGladys Mthembu, naye wasahlelwa bulwele obungaziwako, bewarhatjiselwa esibhedleleso. Kwathi mhlana amalanga ama-5 kuSeptemba, wabhubha. Amatshwayo wobulwelobu kutjhisa okungaphezu kwesilinganiso esifaneleko, ihloko eqaqambako kanye nokophela ngaphakathi.

Abaphathi besibhedlela esikhulunyiswakwesi bayelelisa boke abakhe bathintana nalaba ababhubhe ngobulwelobu kobana beze esibhedlela bazokuhlololwa bona ubulwelobu. Ngemva kwalapho-ke kwangeniswa abantu abama-94, eebasolelwa kobana khebathintana nalaba ababhubhe ngabo ubulwelobu. Isibhedlela besibaqale ngelihlo elibukhali. Umkhulumeli wesibhedlela, uMelinda Pelsler, uthi abanaso isiqiniseko sokobana bangaki abantu abathintana nesigulani, uHermanus Els. Kodwana waqinisekisa kobana enanini labantu abama-94, abantu abama-66 abasisengozini. Uthe nakakhuluma nabeendaba wathi, "Sithaba khulu ngombana akekho kilaba abama-94 onamatshwayo wobulwele be-Arena ngaphandle kwakasista osehlelweni lethu lokuthintana, ekuqinisekisiweko kobana utshwayeleke ngobulwelobu. Njenganje usista lo okhulunyiswako ulaliswe ngewodini lakhe ayedwa begodu kubikwa kobana ubujamo bakhe bumbi khulu."

Kodwana umphakathi woke uyathenjiswa kobana ubulwelobu buyalawuleka, nokho nanyana ngubani ozizwa kwangathi unamatshwayo akhambelana nobulwelobu, akaye emtholapilo nanyana ayokubonana nodorhodere. Kuyavela kobana ubulwele lobu buyingozi ukudlula iNgogwana yeNtumbantonga neNtumbantonga.

[Ibolekwe ku*Sowetan*, 23 Oktoba 2008]

- 1.2.1 Ngubani otlole umbiko ongehla? Tlola ibizo nesibongo. (2)

- 1.2.2 Indatjana le ikhitjhwe kiliphi iphephandaba. Tlola nelanga eyakhutjhwa ngalo. (3)
- 1.2.3 Tlola amatshwayo amabili wobulwelelobu ngokuya ngokwendatjana le. (2)
- 1.2.4 Tlola ibizo lesigulani sokuthoma esabulawa bulwele obukhulunyiswako. (1)
- 1.2.5 Tlola ibizo lesibhedlela lapho abhubhela khona. (1)
- 1.2.6 Sabe sibuya kiyiphi inarha isigulani esabulawa bulwele obuyingozobu. (1)
- 1.2.7 Tlola ibizo nesibongo sesakhamuzi sokuthoma seSewula Afrika esabulawa bulwele lobu. (2)
- 1.2.8 Ngubani okhulumela isibhedlela endatjaneni engehla? Tlola ibizo nesibongo. (2)
- 1.2.9 Bangaki abantu ebebahlololwa ukuba namatshwayo wobulwele lobu? (1)
- 1.2.10 Ukube wena bewunguNgqonqgotjhe wezePilo bewuzokuvuma kobana iingulani zakezinye iinarha zilethwe eSewula Afrika nazigulako? Sekela ipendulwakho ngomutjho. (3)
- 1.2.11 Tlola amanye amalwele amabili ayingozi nathathelanako ngaphandle kwe-Arena Virus kanye ne-HIV/Aids. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Funda indatjana elandelako uyizwisise bese uyayirhunyeza ngamagamakho. Veza amaphuzu aqakathekileko namumongo. Amagama ozowasebenzisa akabe matjumi amane ukuya ematjhumini amahlanu (40 – 50). Ngakibokaki tlola inani lamagama owasebenzisileko.

Abotitjherehloko Banikelwe Isiyeliso Esibuhlungu

Tjhejani botitjherehloko! Ungqongqotjhe wezefundo azonibuyisela esikolweni naningasebenzi ngefanelo!

UNgqongqotjhe walokha wezeFundo uNaledi Pandor uyelelise abotitjherehloko abaveze imiphumela emimbi bona bayokubandulelwa ubudosiphambili namakghono. Uthe iSewula Afrika angeze yakghona ukubhadela abotitjhere abaveza imiphumela emimbi. "Sifuna ukwenza isiqiniseko sokuthi iinkolo zethu ziveza imiphumela elindelwe sitjhaba. Nangabe utitjherehloko ubhalelwa kukwenza ngcono imiphumela yesikolo sakhe, uzokuthunyelwa esikolweni bona ayokubandulelwa ubudosiphambili begodu omunye nomunye umuntu athathe indawo yakhe," kutjho unqongqotjhe.

UNgqongqotjhe wezefundo noNgqongqotjhe wezobuLungiswa, uNgconde Balfour, bebavakatjhele izakhamuzi ze-Osizweni, eNewcastle, KwaZulu-Natal njengengceny yombuso, embizweni yamalanga amabili kileyo ndawo.

UNgqongqotjhe walokha uNaledi Pandor uthe imiphumela yeGreyidi ye-12 kilesosifunda ibe ngaphasi kwamaphesende ama-50 wokuphasa eminyakeni eli-10 egadungileko. Uthe ngokutjhidisa abotitjherehloko bemiphumela emimbi, umbuso unqophe ukuqinisekisa bona abafundi bayaphasa. Botitjhere nabotitjherehloko abafanele ukuphumelelisa umnqopho lowo.

"Ningasisoli ngokwenza lokhu esikwenzako, sifanele ukuqinisekisa bona iinkolo ziveza imiphumela emihle. Angeze saphumelela ukubhadela umuntu oveza imiphumela emimbi qobe mnyaka. Asikwazi ukulisa utitjhere nofana utitjherehloko onjalo. Ifundo kufanele ibe ngeyazinga eliphezulu begodu sifanele siqinisekise bona abafundi bafundiswa botitjhere abakufundeleko ukufundisa ngombana inarha yekhethu ifanelwe yifundo yezinga eliphezulu," kwatjho uNgqongqotjhe walokha wezeFundo uNaledi Pandor aqalise kibotitjherehloko nabotitjhere be-Osizweni.

[Ibolekwe ku*Daily Sun*, 15 Matjhi 2008]

IMITLOMELO YESIGABA B: 10

ISIGABA C: IHLELO NOKUSETJENZISWA KWELIMI**UMBUZO 3**

- 3.1 Buyelela utlole imitjho engenzasi bese ulungisa iimphoso emagameni atlolwe ngokunzima khulu.
- 3.1.1 UThabi urhophola **ikuni** phezulu. (2)
- 3.1.2 Abantu **abaholopheleko** sebanamalungelo. (2)
- 3.1.3 **Imitlhatlhana** yamaphandle itjhile. (2)
- 3.1.4 Ugogo **urhuphula** ngobulongo. (2)
- 3.1.5 Amadoda asela **ujwala**. (2)
- 3.2 Jamiselela amagama atlolwe ngokunzima khulu ngamagama anembako.
- 3.2.1 Abesana **baphula** iinkuni zokubasa ngehlathini. (2)
- 3.2.2 UBathabile **wenzela** umntwanakhe isirholwani. (2)
- 3.2.3 UKosabo **ukhupha** ikomo ibisi. (2)
- 3.2.4 Abomma **bazesa ubulongwe** erhodlweni. (2)
- 3.3 Lungisa amagama angeembayaneni ukuze umutjho uzwaklale kuhle.
- Isib. limbuzi (-dla) utjani.
limbuzi **zidla** utjani
- 3.3.1 Isilelesi (-fahlile) izolo. (1)
- 3.3.2 Abafundi (-tlola) iinhlahlubo. (1)
- 3.3.3 Umratha (-dala) unyefile. (1)
- 3.3.4 linkomo (-lahleke) izolo. (1)
- 3.4 Jamiselela amagama atlolwe ngokunzima khulu ngamagama wobulili obuhlukileko.
- Isib. **Umkukurumbu** udla isiphila.
Isikhukhukazi sidla isiphila.
- 3.4.1 **Ikosi** ayiphikiswa. (2)
- 3.4.2 **Umtazana** uhlezi kumbi. (2)
- 3.4.3 **Ikwiye** isematholeni. (2)

- 3.5 Tlola imitjho elandelako ngendlela efaneleko.
- Isib. Ugogo (upheka) umntwanomntwanakhe.
Ugogo **uphekela** umntwanomntwanakhe.
- 3.5.1 Umma (wenza) abentwana itiye. (1)
- 3.5.2 UDuri (uluma) ikomo ngezinja. (1)
- 3.6 Rhemisa kuhle amagama wemitjho elandelako ukuze imitjho izwakale kuhle.
- Isib. Ithambo idlainja.
Inja idla ithambo.
- 3.6.1 Umsana yinja encani ulunywe emlenzeni. (1)
- 3.6.2 Zoke zife zakababa izolo iinkomo. (1)
- 3.7 Buyelela utlole umutjho ongenzasi uveze isikhathi esizako.
- UDojiwe usela amanzi. (1)
- 3.8 Buyelela utlole imitjho engenzasi bese ulungisa amagama atlolwe ngokunzima khulu kobana azwakale kuhle.
- 3.8.1 UNcema sele **akhombiwe** ngekosini. (1)
- 3.8.2 Inja **ikghadhiwe** msana ngelitje. (1)
- 3.8.3 Bambethe **umlomoana wakhe** wavuvuka. (1)
- 3.8.4 Ihlokwana **bulwedlana** obulaphekako. (1)
- 3.9 Buyelela ufunde isikhangiso esilandelako bese uphendula imibuzo.

**UMZIMBAKHO UNGEHLA
NGOKUKOPEZA KWELIHLO!**

Ungoni isikhathi, zitholele amapele wakwa**SEBE** ngemadlana encancani khulu, **R250, 00** ipakana.

Ungaba nedinyana lakanondovu ngeveke eyodwa.

Nawunekareko thumela i-SMS kilenomboro 03321


- Imibandela

I-sms ibiza R10, 00

- 3.9.1 Kungebanga lani amagama asekugcineni kwesikhangiso atlolwe ngamagama amancani? (2)

- 3.9.2 Kungebanga lani amagama athi "**Umzimbakho ungehla ngokukopeza kwelihlo**", atlolwe ngamagabhadlhela nangokunzima khulu? (2)
- 3.9.3 Kungebanga lani igama elithi **sebe** litlolwe ngokutjhigama? (2)
- 3.10 Funda umutjho olandelako bese uphendula umbuzo.
Amadoda amafitjhani abukhali begodu avamile ukuthala abafazi.
Ingabe umutjho ongehla lo uliqiniso nofana sembono kwaphela? Sekela ipendulwakho. (3)
- 3.11 Funda umutjho olandelako bese uphendula umbuzo.
"Mntwanomntwanami ungathathi umSuthu. Kungcono uthathe iNdebele ngombana abeSuthu akusibabantu."
Ingabe umutjho lo umumethe ubuhlangothi/Sekela ipendulwakho ngephuzu ELILODWA. (2)
- 3.12 Funda umutjho olandelako bese uphendula umbuzo.
"Khethani ihlangano ezokuthanyela boke ubulelesi! Leyo yiHlangano i-PJ"
Ingabe lilimi elinjani elisetjenziswe emutjhwani ongehla lo? Sekela ipendulwakho ngomutjho. (2)

3.13 Qalisisa isithombe esilandelako bese uphendula imibuzo.



- 3.13.1 Ingabe kwenzekani esithombeni esingehla? Hlathulula ngomutjho OWODWA. (2)
- 3.13.2 Ingabe isenzo esingehla senzakala ngasiphi isikhathi somnyaka? Sekela ipendulwakho ngomutjho OWODWA. (2)
- 3.13.3 Ngewakho umbono kungani umsana ojamileko atjengisa ukuthaba ukudlula abanye? Sekela ipendulwakho ngomutjho OWODWA. (2)
- 3.13.4 Ucabanga bona kungebanga lani abanye bangatjengisi ubujamo obufana nebakhe? Sekela ngomutjho OWODWA. (2)
- 3.13.5 Ingabe abafundi abangehla ngebayiphi i-Greyidi? Sekela ngomutjho OWODWA. (2)

IMITLOMELO YESIGABA C: 60

ISIGABA D: ZEMITLOLO**TJHEJA:**

- Isigabesi sinemibuzo emibili, UMBUZO 4 kanye NOMBUSO 5.
- Phendula umbuzo OWODWA, UMBUZO 4 nanyana UMBUZO 5.

UMBUZO 4***Uzangenzani? – DM Jiyane nabanye***

Endleleni etjingga esibhedlela uNomoya ubalabala sidu. Uthuke uphelile, kudlhabhaza amathumbu sekusele bona ajejeze. "Maye Sponono mntanami ungangilayi. Uyihlo angathini ngoyedwanakhe. Bamblela ntombekulu, esibhedlela bazokusiza. Zimu! Nani bobamkhulu ningangilahli hle." Unina kaNomoya naye uthatha lokhu ahlanganise nalokha ngehliziyo. "Ngathana akhange ngimbize uNomoya. Amabizo wethu angaphapha emoyeni. Yindaba engingayibikela bani noSoMgulakudla angangibulala nange zavela zoke ngebanga lomntwana. Bungaphalaka busiliwe, khese ungitjele sengitjhwabene nginje ngingabalekela kwabani?" Ikoloyi ayigijimi inomuntu phasi, ithi nayiqale esibhedlela, kubhale emntwaneni. "Maye! Mina ngizofese ngithini kuyise. Nakanjalo bekangafuni kangangani ngize. Maye ngethorwanakhe. Maye! Ikani, wangenza-ke nawe mma."

- 4.1 Ngubani ibizo lomntwana okukhulunywa ngaye esiqetjhaneni esingehla? (1)
- 4.2 Ngubani obalabala ukobana umntwana angamlayi? (1)
- 4.3 Bekwenzenjani nakabalabala kangaka? (1)
- 4.4 Ngubani obize uNomoya ukuya ngokwesiqetjhana? (1)
- 4.5 Waye alayelwe bona eze nani kwabo? (1)
- 4.6 Kungebenga lani ubaba kaSponono bekangafuni bona unina aye kwabo? (1)
- 4.7 Ngubani ibizo lakababa kaSponono? (1)
- 4.8 Utjho ukuthini umtloli nakathi, **"Ithi nayiqale esibhedlela kubhale emntwaneni"**? (1)
- 4.9 Ngubani uSoMgulakudla? (1)
- 4.10 Ngubani ibizo lomntazanyana okwathiwa adlale noSponono? (1)
- 4.11 Ngubani umninikoloyi ebebakhamba ngayo nabaya esibhedlela? (1)
- 4.12 Umhlobo bani umninikoloyi lo? Sekela ipendulwakho ngephuzu ELILODWA. (2)
- 4.13 Ngamaphuzu AMABILI hlathulula bona uNomoya umfazi onjani. (2)

- 4.14 UNomoya lo, ulandela yiphi ikolo? Sekela ipendulwakho ngephuzu ELILODWA. (2)
- 4.15 Ngokubona kwakho, ingabe ngubani onecala ekulimaleni komntwana lo? (1)
- 4.16 Ngokubona kwakho, ingabe uNomoya banonina bayaloya? Sekekela ipendulwakho ngephuzu ELILODWA. (2)
[20]

NOFANA

UMBUZO 5

Ayikhulunyelwa Eziko – DM Jijane, RN Mahlangu

- 5.1 Funda isiqetjhana esilandelako bese uphendula imibuzo.

Umqasa nebhubezi

Kwasukasukela!

Kwakukhona umqasa nebhubezi. Umqasa lo wawumngani wendlovu ngakwelinye ihlangothi. Kwathi ngelinye ilanga umqasa nendlovu zarera ibhubezi bona libulawe ngobanyana liyatshwenya hlangana nezinye iinlwana. Kwathonywa ngokwakhiwa kweqhinga lokugodusa ibhubezi liye kiboyisemkhulu.

Iqhinga okwagcinwa kuvunyelenwe ngalo ngelithi indlovu ngiyo enamandla, begodu ngiyo okumele isebenze khulu. Indlovu yagcina ivumile ngombana inganabuyo. Umqasa wathi endlovini, "Kufanele siqale mhlana izulu lina khulu, bekuzale nomlambo. Sizakuhlaba ikomo bese simema ibhubezi bona sizokudla nalo. Angithi liyayithanda inyama khulukhulu ilunda?"

- 5.1.1 Kuba yini umqasa urere ukubulala ibhubezi? (2)
- 5.1.2 Kukuphi **kiboyisemkhulu** okukhulunywa ngakho la? (1)
- 5.1.3 Ngokubona kwakho indlovu imlingisi onjani? Tlola ipendulo ngomuda OWODWA. (2)
- 5.1.4 Ngemida EMIBILI, veza iqhinga egade lizokwenziwa ukubulala ibhubezi. (2)
- 5.1.5 Ekomeni ngisiphi isitho esithandwa libhubezi? (1)
- 5.1.6 Kutjho ukuthini ukuthi, **indlovu yagcina ivumile ngombana inganabuyo?** (2)

5.2 **Indoda nenyoni**

Funda isiqetjhana esingenzasi bese uphendula imibuzo elandelako.

Kwasukasukela!

Kwakukhona indoda. Indoda le yabophela iinkabi zayo yayokulima, yatjala isiphila. Yathi bona iqede yabuyela ekhaya nesipani sayo yasipanulula. Ngelanga elilandelako, yavuka kusesekuseni yayokuhlola bona isiphila sayo siyaphuma na. Yathi nayifikako yafese yabamba ongenzasi nayithola sekumile ikhula nesimu ithe ngamagadekazi. Indoda yakhuza yababaza yathi, "Mhlolo izolo bengilime kuhle. Manjesi kwenzenjani?" Yabuyela ekhaya yayokubophela iinkabi zokuzokulima godu.

Nangambala yathi ingazibophela, yanqopha emasimini yalima, yatjala. Yathi ebasaneni, "Khambani neenkomezi ekhaya." Yona yalala ngemseleni yaphakamisa isandla. Yathi isalele njalo, ingakatjheji yezwa ngento ithi tlho phezu kwesandla. Inyoni yayidlumbana bona isandla sendoda sigodo. Yathoma yavuma yathi, "Magade wovumbu! Vumbu! Magade cime! Cime! Magade wovumbu! Vumbu!"

- 5.2.1 Ngokubona kwakho simhlobo bani womtlolo isiqetjhana esingehla? (1)
- 5.2.2 Tlola amabizo wabalingisi besiqetjhana esingehla. (2)
- 5.2.3 Kukwenzani **ukubamba wangenzasi**? (2)
- 5.2.4 Kukwenzani ukuthi tlho! Phezu kwesandla? (1)
- 5.2.5 Yalala kuphi indoda lokha abesana bakhamba neenkomo ekhaya? (1)
- 5.2.6 Umcoci wenganekwana uyingenisa njani ngaphambi kobana ayicoce? (1)
- 5.2.7 Hlathulula bona kungebanga lani kuyinto ehle ukulalela iinganekwana/iinolwana? (2)

[20]

IMITLOMELA YESIGABA D: 20

INANI LOKE: 120